

四庫禁燬書叢刊編纂委員會

北京出版社

四庫禁燬書叢刊

集部第九九冊目次

龍眠風雅六十四卷(二)

〔清〕潘江輯
清康熙十七年潘氏石經齋刻本

..... 一

龍眠風雅續集二十七卷末一卷(一)

〔清〕潘江輯
清康熙二十九年自刻本

..... 二六一

龍眠風雅六十四卷(二)

〔清〕潘江輯

清康熙十七年潘氏石經

齋刻本

北京圖書館藏

龍眠風雅卷五十目錄

圭潘 江蜀藻輯

采石史 青黎同參

同里方 遷子安

左國林 十五首

左氏如芬 三十首

彭 斌 十二首

潘 益 十二首

周康祀 二十二首

金鳳衡 十二首

吳弘安 三十一首

方無隅 三十三首

龍眠風雅卷五十

木厓潘 江蜀藻輯

左國林 字子忠號鶴巖忠毅公之叔子也順治乙酉

吳越人士軒蓋造訪以內交為幸既來于鄉發授
儀真益翁然嚮風升廣東南維司理持法平恕民
以無冤分枝鎮開光稱得士升河間府都丞未
及行而歿至不能歸旅窆所著有陵江草行世

雜感

美人抱瑤瑟哀怨彈別鶴雌雄南北飛一旦異栖託諒
非金石性安得仍如昨猶欲悟君心明朝佩蘭若豈知
斗酒味昔厚今已薄徘徊淮水上長嘯風波惡

擬古

昊天轉特律大火西南馳挽衣起視夜明月鑒薄帷翻

翩征鴈翔啣寒出悲紅蘭委芳采茵桂亦離披焉獨

千丈松孤生泰山騰嚴霜裂其膚層冰斷其枝摧殘失

恆益蒼翠終不移草木有至性偏容貞士知

冬雷行

朱明長子多受節毒虺砑研血中裂今年冬至驚雷發

高棟承雲忍摧折乙卯震寢誅杜喬元康霹靂斷賈姚

雪霜連鼓響宵寧早占元龍煩制作莫將悲喜疑天公

野人自恨耳不聾

江行

布帆去不極雲際見人家繫網青楓樹藏舟白荻花迴
風喧雁鷺落日上魚蝦天矯江山翠停橈看晚霞

感時二首

百萬旌旗沒黃巢竟入關追兵憐秀實名將失光顏
紉施金粟身乘狎玉環河西聲一振牛酒餉牙山
僕固今驕甚樓船樓上游朱顏環帳泣白骨滿江流
橫草功難著包茅貢不浮 聖恩還錫命貂珥到霜洲

友人夜過

苦色車輪破庭陰榻不妨絺衣挂曉日茗椀過新涼
文事原難竟詩名且暫藏自憐無一解得爾愛吾狂

弓龍眠

昨日春山信河流白板稀舊栽奴橋老新刈女桑肥
錦鯉衝風擲絲禽掠浪飛修梧傷剪伐不得共芳菲

紀哀二首

何事張皇問守邊徙薪高議在人先曲江不奈翻蒙賄
潁水多仇豈餽錢韜有蒼鷹脫露井家因白兔賤瓜田
宿因老弱追呼急邨舍株連斷野烟

松柏蕭蕭向北枝荒城伏臘土人思却憐朱邑營墳地
想見周章拔劍時風雨滿旗都似泣龍蛇壽屋尚餘悲
梁碑爭出希文手處處凄凉少保祠

送吳鑑在之閩

披裘行踏蔡溪邊遙指梅峰易石連岐路風篁吹雪嶺
中流花鳥醉江船人傳笳奏勞王粲山喜帆檣載馬遷
此地故家藏古蹟好賁油素訪遺編

錢塘弔蘇小墓

灑酒荒墳日落初南朝粉黛近何如所思誰誇青驄馬
相待空乘油壁車薄命瑤華霜裏沒同心羅帶夢中疎
西陵颯颯江頭雨又值淒涼逼歲除

塞上曲

將軍羽箭射天山閃日旌旗出漢關夜月欲開青海嶂
秋風先到白龍灣

竹枝詞

紅袖垂風紫陌東前村斜插碧芙蓉妾從江上投魚信
郎在瀟湘暮雨中

班婕妤

半道恩銷謝輦餘搗殘銀管夜窓虛高情不問羊車路
獨對寒燈自校書

左氏如芬

字信芳都丞鶴巖公之仲女進士姚非
卷之妻也勿聽慧過人讀唐詩至千餘
首背誦不忘年十三歸非庵太夫人方操家乘
蕭緜之外益得研求書史因從非庵學詩出口
便有林下風味前朝倡和幾無虛日迨非庵成
進士調選得浙之江山單騎之官不能挈家累
憂鬱成疾甫及三十而歿所著有錄並問詩稿
非庵為之校梓而屬其世父眠樵先生序之

懷吳姑夫人白下

修阻難相聚離悰近一年因君情展轉添我淚潺湲夢
向愁中覓心從病後牽烽烟今漸息好為寄魚箋

納涼

向晚深閨靜流螢遶檻飛竹搖影亂花落樹陰稀帶

露風初動移雲月漸輝欲眠愁未穩爐爇麝香微

初夏

忽忽薰風度韶華病裡過不知春色盡但見落花多拈韻消長日看書醒睡應晚涼新月上清影照藤蘿

秋夜憶夫子

送君纔匝月秋色又將闌不覺流光易偏憐久別難夢隨江水遠寒念客衣單良會知何日離情已百端

寄懷隨鴻閣錢夫人山居

卜築成高隱安貧賴爾賢承歡同綵服伴讀共青氍久別常相憶新詩認未傳後蘭曾有夢消息寸心懸

移花

為惜閒庭曠移來隔苑花根深和雨種枝弱避風斜倚檻從予好成陰望爾賒芳菲應計日珍重護膠紗

咏燈花

雨露何曾見開時不必春質偏宜向暖情獨畏逢辰落恐侵殘局餘光惜比隣深閨傷遠別夜夜卜征人

夜聞孤雁

孤雁衝寒度悲涼似不平因風聲最苦照月影偏明念汝離群意添予別恨生驚心懷遠道欹枕夢難成

庚子七夕夫子應舉江寧詩以贈別

清江風靜浪初平身逐孤帆一葉輕天上恰當歡聚日人間偏有別離情蛩吟幽砌聞心碎月落寒汀旅夢驚

為鳴天門須射榜桂花香處好逢迎

送夫子公車北上

霜風蕭瑟入簾幃別思縈懷酒力微梅欲綻時人遠別杏都開處燕高飛九重天上開金榜五色雲中賜錦衣從此曲江春宴後紫駟蹀躞踏花歸

偶見雪片雪珠共成一律

六出花飛繞玉欄和風和雨白生寒飄揚似絮沾衣少旋轉如珠著線難徑外半隨人跡盡枝頭多被鳥銜殘却嫌党尉貪歌舞何不烹茶話夜闌

春閨

惜春翻易擲晴暝小閣晨鐘夢裡聞燕剪輕裁桃錦旋鶯梭細織柳絲分蟪蛄聲沸處時時雨香篆飄來片片雲情緒不堪愁向晚無端睂月白紛紛

初度書懷

屈指于歸十七年如賓竊羨古人賢毫揮却喜花生筆段倚偏慙玉並肩繞膝佳兒披彩繡承歡嬌女誦詩篇相看不禁思親淚消息安能慰九泉

寄懷五姒張夫人

深閨惜別記殘秋每念音容淚暗流入夢蘭花應結子迺栽萱草可忘憂乍拋故里情如失雙侍名姝願已酬指日遷官同返旆挑燈重與話離愁

菊月夫子北上詩以言別

強登征裘淚暗垂秋風瑟瑟又將離曉天霜月常隨馬
晚岫烟霞盡入詩野店聞砧驚客夢荒庭落葉動人悲
欲知別後思君處小閣殘燈夜雨時

見新燕

小徑深深長綠苔衣還記社前來臨春畫閣銜泥入
傍晚紗窓帶雨回絮語似憐人寂寞雙飛却羨影徘徊
凭欄愛爾添詩思拂硯慚無作賦才

秋日病中喜諸姊夫人過訪留飲

強扶弱體起繩床抱病經旬未作粧握手反憐人久別
論心却喜夜初長月窺玉鏡藏鸞影花拂青綰染蠶香
他日分飛建雁序池塘春草夢難忘

夜坐懷夫子

閒坐翻書強自寬孤牕寂寂淚空彈風搖紙帳梅花落
月浸蘆簾樹影寒短蠟無心和漏盡疎鐘有意報更闌
應知旅夜懷人處宿酒微酣客夢殘

感懷寄夫子

廿年荆布效齊眉中饋餘閒學賦詩花下彈棋春永日
尊前刻燭酒闌時才慚謝女聯吟早情似高柔作宦遲
此日武林潮信近好緘雙鯉慰相思

題畫

樹色千峰裡清流與岸平片雲停不動小鳥寂無聲
雨夜不寐

一夜瀟瀟風雨聲愁人枕上最牽情孤幃寂寞渾難寐
欲暗闌缸又乍明

咏柳

帶雨拖烟拂小樓枝枝搖曳動人愁柔條縱有絲千縷
不向江頭挽客舟

閒居

竹陰籠日映窓紗裊罷爐烟一縷斜蝴蝶不知春去久
雙雙飛上石榴花

題美人看花圖

薄薄羅衣淡淡粧花陰密處影深藏幽情不如雙飛蝶
宛轉秋波盼海棠

暮春即事

紙閣香銷午夢殘起來無力倚闌干桃花飄盡鶯聲老
零落春光不忍看

秋夜夫子赴芸圃酌酣飲達旦

靜掩紗窓避晚涼挑燈獨坐夜偏長無情最是初生月
不待人歸上短牆

擬宮怨二首

苔色深深隔繡幃經年玉輦不曾歸一從獨閉長門後
羞著承恩舊賜衣

連朝愁病罷晨粧藥餌無徵暗自傷獨有能言鸚鵡鳥
也將離恨罵君王

夢回

銀蒜雙垂錦帳低，夢爲蝴蝶意還迷。
癡魂欲度寒窓月，怪殺隣雞夜半啼。

暮春病中書懷

懶拭菱花理鬢蟬，參苓鎮日伴愁眠。
連朝買卜從無準，檐鵲欺人也浪傳。

彭

續字孔哲號粥岑順治己丑進士時兩廣未平
犯矢石屢著勞績論平粵西功升兩使移節汝南
復建軍功爲宵人蜚語所中而罷孔哲起寒素
能自堅立以成父志居官廉慎勤儉平亭獄訟捷
伏如神西粵中州人迄今德之年五十六卒學者
私謚孝靖先生所著
梧吟雜草越吟諸集

望遠曲

自入君家門三年，凡九出今茲臨別言云歸當歲暮。
乳啜新泥芍藥開，芳蕊老去春又過。忽忽若有失明月，
映流黃深坐轉蕭瑟。欲書寄遠人，含情慵捉筆。獨寐夜
愁長，屈指日偏疾。君今賦歸來，論斷須如律。自此深杜
門，裏足母再逸。

閒望

空山滴蒼翠，下有水潺湲。古藤盤斷樹，獨鳥下高原。
朝烟翳濕屋，長堤白浪翻。晴蜓駐釣絲，芙蓉映朱門。
高樓誰家女，凭窓笑無言。輕紈撲遊蝶，高髻得雲根。
手扳青梅枝，玉環白無痕。目光如有待，游子暗銷魂。

喜得汪徵五年兄消息

羽書來北極，風滿粵江春。天地歸才子，文章老病身。
五年三去國，萬里一孤臣。目斷寒崖樹，重教淚滿巾。

送王含之赴閩邑任

橫經披緯帳，惜別念芳辰。才似南金重，官如北郭貧。
榆烟纔出岫，花夢恰逢春。此去鹽堂上，思綸計日新。

伍胥祠

吳越今何在，凌空尚有祠。山猶存故號，濤自帶餘悲。
湘漢流何極，姑蘇月屢移。創丘知不遠，時慰老臣思。

送張雲閣應試

幾年海內誦雄文，今日名成奏五雲。自是天香須獨步，
故教秋色好平分。洛陽紙貴張平子，秘書書傳王右軍。

宮錦槐黃相映發，彩毫新傍御爐熏。

哭沈景山年兄

粵西萬里甫投簪，何事秋風臥碧岑。七尺未銷千古恨，
一抔空抱百年心。塚邊無字堪留石，江上誰人更碎琴。
惟我憐君同鵬鳥，滄浪曲罷薜蘿陰。

送孔暉兄歸南

霜江沙接水雲寒，驛路南歸健羽翰。有客忽驚天上至，
無魚空負鏡中彈。猿啼不盡三千里，風起難過十八灘。
兩地相思烟霧隔，鄉關應傍斗牛看。

寄懷施尚白年兄督學山左

海濤聲起屢樓平，仙吏秋高擁絳旌。懸鑑遠澄秦日觀，

撤簾近接魯諸生七年瘴嶺遠顏色此日天涯幾弟兄
君入承明予避世辦香聊禮謝宣城

甲辰初冬同何省齋飲徐寧庵蔡抑庵兩憲副園

中分得山字

十年風雨夢相關執手驚看鬢各斑一世才名歸白社
半生心事託青山追權老去情猶在問酒閒來興漸刪
珍重明宵還共對品泉選石落花間

晴望

雨後流鶯送好聲晴光遠共成烟平坐除世味惟耽酒
靜識天心最厭名客裏兩餐猶病飽閒中一卷即專城
款門客至留清話茶沸香芬拂小杯

閨怨

薰砧一去信蹉跎忍向天涯理欄歌楊子渡頭連夜雨
算來不似淚痕多

潘

益原名映參字次益後以字行別號拙庵司馬
公石乳府君第五子也少沉靜不苟言笑下
健力學順治丁亥以明經傳于建安袁衣登堂頌
禮雍肅居邑何制府中丞以禮幣辟為記室咸重
其行誼以為庶子家丞兼而有之僑寓嶺南最久
年五十有五卒于廣州其建安嶺南諸遊草什不
二云

庚子仲春初度清明前一日

作客忘晨夕有生不記年侍童頻稽首獻壽清明前因
見桃花發方知二月天懸弧四十六立志本孤鶩米汁
從吾好筆花夢空傳恭禪獨俗慮學道愧先賢泡影既

虛度光陰如逝泉平生未了事回首淚涓涓

已亥元日

歲終終夜雨旅館倍淒涼歸思空千里客愁已十霜呼
朋憑斗酒祝歲有爐香又是春風到蕭蕭白髮長

秋夜對月

月色清如水涼風向晚多竹床供睡穩村酒醺顏酡
語千山爽猿啼隔岸過此中饒逸與良夜自婆娑

嶺南卽事和白香山韻

紛紛輕薄欲何如世上功名有也無常笑柳生空乞巧
每懷莊子善言愚見人盡嚼食身久在事誰還合浦珠
一自逍遙烟雨外閒看鄉鄰總無殊

哭從子新孫四首

除夕偶逢鄉客至傳來死字便淒然七年相別嗟尋老
十世重興望爾賢家在舊京難獻賦身依荒刹孰談玄
驚聞不覺神如失謝樹摧殘倍可憐

爾性最能忘俗嗜偏于清課覺相宜名香焚去常千縷
怪石看來似九疑幾筆丹青聊寄興滿篇飛白只移時
優曇花下尋精舍坐久行吟得意詩

別友

嶺外逢君遂結歡芳名俠氣滿鄉關自卸載石供清玩
可爲思尊返舊山漁峽烟雲帆影疾珠江水月夜聲閒
歸途正及春光好無數芳菲照客顏

永夜落金花

斂斂含朝露舒華向日中金錢擲夜半怕聽五更風

雨中美人蕉二首

點點妖紅滴翠聲風流恰帶淚含情當年飛燕嬌無力
未必芳姿若箇輕

綠映窓前葉自敷輕盈體態情誰扶何當喚起王摩詰
和雨描來入畫圖

讀無書

兀坐誰敲月下門園亭閒適看龍孫共君話勝十年讀
滿架圖書奚足論

已亥元日嶺南坐雨

頻年烽火未全消粵海居民亦太勞天意欲將兵洗盡
故施靈雨在元朝

周康祀

字重禮崇禎間貢生其先本浙之紹興人以
幸開好結納賢豪長者交雖久無忤色媒客相繼
冠忠最烈重經于防禦事宜輒抗言請諸當事動
見施行撫軍張公亮雅相引重辟奉軍事六院安
堵實與有勞焉所著有典堂詩及旅言諸集

過馬狝生山居

君獨厭城市幽居固所宜到來樵徑曲坐對嶺雲奇下
榻空山裏移尊盛暑時深杯忘晝永樹影日參差

閣坐喜雨

小閣千峰對窓通送夕驟偶然山作雨旋見樹生雲孤
客愁因減三農望久殷傳呼蓑笠急歌唱動紛紛

曉梵

柴門雖近市小院自清幽如坐無人境因思出世謀天
風吹梵鐸夜月爭書樓聽到三更候儵然解四愁

金山

兩月重過此維舟試一登樓臺招慣客雲水任宜僧石
向江心立潮從海口騰自然塵世外烟樹隔層層

留別龍禹九

締交情正好岐路首重回此日遽分袂何時復舉杯節
憐小雪過舟望大雷開別後長相憶魚書莫吝裁

秋吟二首

秋剛十日日一易秋容樹老山無色天晴露不封
曉香稍滿隔岸野花穠最是尋詩處微風送晚春

空階風雨過小綠障新愁萬井一時晦三更半葉秋守
能甘我拙苦不為貧憂多少悲歌意金貂感舊遊

石鐘山晚泊

落日維舟處懸崖一寺門樹深分晚翠石怪上潮痕湖
口江聲合樓頭夜色昏好山看不盡鐘磬出雲根

橫潭晚發

雨過雲猶黑河流水漸消輕舸前路杳野寺曙鐘遙旅
夢回孤枕羈心感舊貂橫潭渡口急努力莫停桡

桃埭河

桃埭河邊路年來幾次經忽驚春到柳可嘆客如萍不

寐吟殘月食程看早星居人傳虎跡疲蹇莫教停

偕甥生山行

兩月花前共笑歌衝炎又入考槃阿青松一徑鳴流水
綠竹千竿挂女蘿谷口風生嵐氣少山頭晴色夏雲多
高攀漸覺天相近俯瞰江心漫碧波

立士書至悉探百夫子盡節清河詩以哭之

剖得雙魚恨未平吞聲欲哭哭無聲軍中別我千行淚
門下從公一啓行生死人情何足異正邪天道不分明
傳來慷慨捐軀地河水清清萬古名

飲田家

願傍三農結伴居石田蕪穢尚無廬烟霞儘識村中隱
雞黍堪停野外車動地秋聲楓落後滿天寒色雁來初
臨風正好傾新釀一醉煩愁且破除

卽事

想曾經海晏年卽今誰復病相憐初香草樹還如故
春山竟悄然江上大軍馳羽檄城頭積雨響流泉
不堪夜靜鳴刁斗細柳新移負郭田

齊後登樓

萬花簇處草萋萋秀絕江山望欲迷輕燕未知何事語
流鶯偏覺盡情啼樓頭樹色餘城郭簾外春風送鼓鼙
好慰窮途新霽後莫言踪跡尚羈栖

借立士閒步臥水池

方公堤上柳同攀攜手行吟半日閒客久黃塵侵白髮
冬來紅葉徧青山孤亭碣石堪憑弔官道漁樵自往還
閒說水池留勝蹟凝寒猶聽水潺潺

將之京師留別石二孺明府

五月披裘事遠征牽衣珍重別離情崎嶇驛路江南客
辛苦鄉關薊北程賣賦祇爲將母計感恩惟說使君名
揮絃退食如相憶試問何人薦長卿

舟過清河弔探百夫子

河流清濁自分明到此驚心怨未平可惜弔湖龍已去
竟無華表鶴空鳴黃錢一陌飛塵土青史千年著姓名
愧我亦稱門下士死生何事見交情

贈魏彩生

少年懶聽浙江潮忍別西湖綠柳條自棄微名辭宦達
誰將別信問家遙裝因治具仍常澁髮豈爲愁亦易凋
却羨青油專草檄知君端不負嫖姚

山陰晤潘若狂

當時文酒共風流別夢經今十五秋乍見忽驚潘鬢改
深譚還爲陸裝愁狂來意氣壺仍碎老去江湖竿未投
剩得子猷佳興在爲君遠泛剡溪舟

贈戴其懷

朔風吹葉暮寒天衰病支筇倍惘然士不居官成浪跡
途惟仗友當豐年常思精舍同僧話可憶山齋擁妓眠

一榻即今容我下肯令虛擢剡溪船

同明卿諸子游回龍宮

携手探奇渡淺灘行行野寺惜凋殘竹籬扉掩人踪少
瓦礫堂空佛火寒紅葉一林常口落黃花滿砌帶霜看
登臨此地洵幽絕酒伴詩情足放歡

余鳳

鳳字子也與弟鳳友于彭友愛最篤鳳生象儀之
弟子員有平原二陸之譽于彭早卒鳳年五十餘年
其妻弟與其孤宗族隔絕鳳與王夫人太原郡侯
王勝之後二十九而寡鳳與鳳友之妻夫人太原郡侯
能出口語鳳子為之傳子謂之鳳友而未有以報也
振千之詩至八十見曾孫之句為飲飲者久之

赴田父飲醉歸用少陵韻

二月春風和出門看隄柳山畔杏花開尋芳無昔友亂

龍泉風雅卷五

後交遊稀相與在林藪長吟大澤間蒼然一老叟為問

君胡來邀我飲春酒未暇叙寒暄歎然執我手到門犬

聲高穉子候已久堂上堆銀犁簷下挂魚笱招來隣家

翁老婦先開謁耦坐深陰晴只願兵信否斟酌頻傾壺

半酣呼大斗所談無文字治亂不入口主客皆忘機昏

昏已過酉夕陽趣我歸欲別更拽肘暮夜畏虎狼呼童

執炬走扶杖咏新詩脫幘一搔首草堂睡不醒村家釀

大厚

且耕堂落成

家世讀詩禮結廬傍村居連遭楚人炬一椽無復餘春
燕巢林木花竹且根除書籍不復存安得飽蠹魚滿目

蒿萊地不苗亦不畜他邦弗我穀依然還故墟園林仍

世業刈草結茅廬瓦礫如山積何以復其初臂力幸方

剛兄弟共荷鋤老嫗可炊爨山妻可灌蔬豈無交徧謫

歎然亦自如興來衣典酒天乎未食予風雨雖難蔽亦

來君子車功名應已矣且還難我書世運多否泰何用

更躊躇荒裘堪終老山澤任樵漁憶我文章友多因亂

後疎自守耳愚拙常耻過情舉春初食薇蕨夏日愛荷

渠四時饒勝境笑彼曳長裾頭顱新製好幾年未見梳

欣然得此堂白首問居諸此中足嘯傲天地正秋歔

春日同胡子允方子詒子克雨中過望龍庵訪覺

浪上人時上人自浮山來欲往匡廬便道從陽

龍泉風雅卷五

二首

破苔兩屐入禪林坐對青山無古今共羨江空明月近

不知漏盡白雲深庭前柏子隨人語心裏蒲團任自尋

綠竹荒崖來聽法勝將八水洗塵襟

浮渡烽烟未可留知君初為遠公遊月湖何幸禪心照

雲谷能將俗徑幽結社應辭靈運雜論文不是辨才流

是日論莊寒林更有悠然思那向輕舟逐浪浮

岳忠武

十載奇功一旦公裂衣示背亦堪傷空留几上春秋傳

尚有墳前草木芳最怪書生先叩馬可憐父老哭焚香

中原雖未如君意棹楔雙懸拜鄂王

聞禁酷

生來壘塊未停杯新禁驚傳有詔來携杖既無竹葉分
繞籬空起菊花開可能方朔仙家飲但免劉伶地下埋
太守從今備作郡荒村夜月獨徘徊

老母八旬喜見曾孫

寂寞婦帷八十秋添丁聊藉祝添籌幾年膝上誇雙鳳
此日巢邊見小雛惟憫堂前四代老閒看戶外一峰幽
榴花朶朶紅如火風送香來逐酒浮

悼妾

回思絡秀入門初中饋經營亦丈夫厨間未有先言有
客至從無半字無不歷年來多坎瘁爭知當日好枝梧
女兒十歲尋針線猶向堂前問老姑

病中學卜

插棘爲垣暫卜居更憐多病懶扶鋤生來未得文章力
半讀方書半數書

鏡中看花

一花平作兩花猜疑是花前影更閒任爾雲中攀桂手
爭能闌入此粧臺

水中看花

根從波上浮生巧綠葉鮮鮮闢碧瀾也有遊魚常嚼浪
何曾嚼得一枝殘

病中看花

病裡花開夢裡歡清香撲鼻勝加餐常愁風雨花多病
不分當春扶病看

吳弘安

字伯三又字定齋司馬雪厓公之伯子也順
治壬辰進士授翰林院庶吉士一時應制館
課之作多爲詞垣傳誦以終安乞假奉父喪遂息
影林泉歸休後懷茲堂集諸賢未終源流紙君
子嘉其志而所著石堂詩集諸大宗伯王公散
辭合深淺之宜適其情性而止故其爲詩無比句
章古人之意而大雅在目前矣其言言之也

都門送別李萊馭孝廉

君來在予後君歸在予前同是長安侶臨岐獨注然人
生苦離別若鞭何後先錦帆渡淮水江花如舊年北風
起玄旌千山開杜鵑憶昨明經客今返孝廉船進濟高
堂歡壘篴鳴綺筵昔人重然諾功名奚足傳落第隔涼
人不解素心堅君家秦淮里卜築舊相連吾翁同若翁
相期時問立

淮上雜詩八首

我行淮泗間霜風正凜冽黃河天上來淵流不可竭長
波縈溯洄天光渾皎潔中有仙人居冥然與世絕但得
河上源已知鍊藥說張鷟掉孤舟隨風度烟城從來至
人行迥與衆人別

百戰古淮北中原殺氣昏吳楚通喉舌燕趙固其門王
孫惜芳草英雄懷舊恩留侯甘納履淮陰報一發黃石
與漂母千秋隻眼存假王起猜忌國士含沉冤不及弓
藏日安知辟穀尊風雨吳鉞劍明月湘江魂悔不從赤

松乘鸞駕高軒

黃鵠志千里翱翔雲霞遊鶴安一枝長林擇所投所
適各大小不爲網羅收嗟彼鷄鶩倫流涎曲江頭一朝
被束縛文錦披犧牛機雲才絕世鶴唳空自尤哲哉鷗
夷子功成臥丹丘

軒轅鑄九鼎丹砂變黃金騎龍登天漢飛昇撫瑤琴俯
視秦皇帝使人嘆荒淫徐氏載童女蓬萊不可尋漢武
事王母露盤空格歆遠思不死藥未了是雄心豈謂秦
漢後神仙空谷音但見天壤間鼎鼎金棺沈

郭侯在衡山其志未可量軍中白衣公尚與聖人抗一
破紫衣榮失却昂藏狀所以陶弘景只作山中相眉臺

教生徒冬密以時餉余愧偶儒生千載思酬唱

漢廷有弄臣銅山終俄死晉稱綠珠君敵國充羅綺豈
無通神錢何以棄朝市恩私不相保倉箱易足恃天道
盈則虧消息饒至理吾讀貨殖篇獨取陶朱子

神宗獨恭已五十年如春後皇事銳急秦川起烟塵嚴
刑似秋肅聰察鑒天真政令悲荆奔禮樂失松筠鼎彝
委丘墟衣冠等沉淪 皇帝平禍亂氣象一時新奮興

開契麗銳意在陶甄龍虎靜原野鯨鯢競水濱都俞重
堂殿吁咈鮮臣隣安能汲黯難比魏敬嗔燕客終懷
土吳人幾思導秀色盈玉階景旒滿楓宸王風變太古

靡綺不足珍願見寅恭世再臻風俗淳

世風日淪薄吾道竟誰傳顏曾不世出典籍銷秦烟可
慨文中子持獻隋君前一言既不悟退處河汾邊仲舒
徒對策子雲空草玄韓愈文章伯李白酒中仙正音漸
微茫大雅虛言詮天特啓程朱不絕道如弦 聖朝端
士習所重在賢賢希聖如有託卓立貴無偏余亦志刪
述敢效絕韋編

七夕作短歌

牛郎直兩角搖搖河岸頭其下有天田九點橫九州黃
姑織縷縷夜夜聞河鼓七襄機杼成亦欲親簾篋斗爲
天府庫次千斗度五去郎五十六迢迢望河潯漸臺輦
道黃姑傍西流大火天蒼涼于時日月會鵲尾漸臺輦

道近牛郎七月七日維吉仰雲漢有露匹耕耨耕織者
織衣者衣食者食漸臺輦道聲歡娛椒漿鹿脯相招呼

下界不知天上事紛紛乞巧不乞愚愚者休巧者拙剛
者齒柔者舌舌者存齒者折拙者鳩巧者鵲翼者搏脚

者搜維鵲有巢維鳩居世間那得揚州鶴巧者憂愚者
樂君不見如蚕作繭徒自縛如蛾赴燈徒自灼又不見
牛郎但自耕天田黃姑不曾鍼孔穿年年歲歲銀河迢

玉河水泮

帝里傳春律條風先到河餘寒猶積雪初旭已澄波折
柳依流水潛鱗動碧莎方從凌室薦滄海徧陽和

虎丘

客獨憐春老遊還起夏新登臨無限意徒倚欲歸人苑
咀聲依塔山川光在晨生公今有石慧業豈沉淪

江曉

蓬嶼望無窮澄心託曉峰晨光如沐雨錦纜欲歌風遠
水同雲白寒烟入樹紅逍遙隨所適秋氣滿長空

登牛首過嶠山草堂

石閣凌雙闕花風捲夕烟江明蒼嶺外易度暮鐘前塔
樹圍香國人天戀乳泉幾年茲一宿展齒但隨緣

秋日由柳峰草堂遊浮山四首

山淺難期靜家風仍草堂里荒如客寄農苦到秋忙病
骨扶筇健籃輿帶月涼相逢林石外野老話滄桑

誰能稱大隱置此名山空予愛村居僻人傳花雨叢
殘湖外白楓老日邊紅評奕商玄理冷然憶遠公

遠公與歐陽公
同基說法處

石閣憑虛徹天風醉易啼披崖尋舊宇染翠得新題盤
磴穿門突層苔疊徑迷徘徊今古勝一宿幾攀躋

舍利峰頭建浮圖事若何莊嚴天上少功德世間多先
子心如結千秋業不磨只今金谷洞猶念老維摩

舍利先君奉為小塔
一巖頂迄今猶然

邸咏

展齒隨緣賦遠遊滿天風月笑吾徒硯田饑易驅人懶
斗酒歌難送旅愁喧過荒庭知有市閒亦危坐意如秋

獨憐落落數交諸猶自逢迎老不休

吳門贈沈去疑先生

廿載締交推父執草堂深處為予開囊無利藪存詩卷
日有餘情付酒杯歷盡平陂惟樂道談空今古只憐才
典型咫尺時瞻企展齒頻過問字回

五日憶秦淮

四年此節都為客兩度吳趨兩度燕鷄肋遲回多歲日
鴻音嘹繞憶江天庭蒲過雨仍凝綠梁月停雲幾見圓
我夢秦淮歸未得笙歌燈火夜分船

得家信懷兩尊人

鶯鳴江上語依依尤喜秋聲願不違霜雪已經高閣暖
梅花今見上林飛夢回節序都忘久接得家書便滿歸

遙憶春筵分帝錫稱觴諸弟滿庭幃

賦得故園從小別

稚齒從遊迫使星蘭陰漳海學趨庭只今到眼溪雲白
猶記浮山巖洞青秋水稻花資旅食江天石閣喜傳經
長安客老三三夢幾見西園舊草亭

孤吟

滿座猶餘手澤芳小園松菊忽荒涼牙籤錯落聲如在
樹影踈離履未止霜鬢慈親悲故苑麻衣弱弟泣空堂
遺文展拂千行淚淚灑秋風冷斷腸

秦淮雅集詩次顧菴韻

秦淮簾管恰吟風遊展王猷逸興同簾挂水晶浮月白
杯傳琥珀入燈紅二三客至連吳越十六年來鷺雁鴻
北轍南轅看鬢雪悲歡都付酒籌中

郊外遊二首

一著羊裘不換貂風塵到眼任輕輶何須山水移文至
自有琴書隨意遊多病難支濟勝屐少年如折老人腰
先生久臥滄江穩偶逐春潮度板橋
舊好扶筇入翠微山家日暮尚開扉投林松鼠學猿挂
歸岫江雲似鶴飛團野花濃泉眼淡撐空笋瘦藥苗肥
丹鑪既冷茶鎗熱白石烹來可耐饑

石堂玉甌花詩二首

十夢胎何處千枝光及辰一看一長甯疑是百花神
香亦無心送幽還趁日新鉛華俱謝色獨見夏中春

樓居

青溪綠繞欵荆扉郭外群巒列翠微入夜星紋低欲曙
萬家燈火照人衣

尋梅

亂蕊稠花叠叠開披襟曳屐帶星回有時風雨顛狂處
快取茶鐺當酒杯

方無隅

字仲禮號抑叟大晉之子性敏嗜學隨建寧
公入閩晚歲恬退不應舉以耕自給有抑
抑齋集子選梓而登吾堂猶首再拜屬爲表
且損其傳經之贊以佐棗梨抑叟爲有子矣

芋帳歌

不羨鮫鮪與綺殺白芋歌成玉盈幅夜深明月照流蘇
曉起一天春霧靄何須幽夢到梅花隨意于枕芳菊
逐彼銷金綉彩霞却勝輕柔裁楮穀此心本與朴素期
四時高臥黃梁熟

病起盥櫛見白髮有感

莫謂貧非病都緣髮欲斑霜威明鏡裏月色寶屏間老
大悲身事顛危痛世艱書空徒咄咄何日一開顏

故園僧去知偶過綏安以詩見投次韻答二首

避世憐無地奚因杖錫來一瓢閒自挂百慮寂如灰談
極應成笑詩工已熟梅遙瞻投子焰何日釋疑猜

詩

平生多浪迹惟喜故人來身世都如夢心悟亦已灰還
驚雲外鶴偏憶隴頭梅清磬山中事幽尋肯自猜

將歸送紹興陳太英先回里

彈鋏俱千里相逢何可言浩歌徒白髮慷慨付清尊海
霧三山暗林霜十月繁送君歸故國予亦返柴門

半室吟

半室蔽風雨栖遲一榻間夢魂誰是伴形影自相關仗
酒支長夜憑書娛少閒提携嬾女至獨對欲潛潛

過鳳臺山寺

鳳臺山下寺老衲近知聞性懶能煨芋身閒且叱雲拈
花供獨笑擊竹許誰分頗有蘇居士談禪到日曛